

PROTOCOLLU DE INTESA

RETZA DE SAS AGENDAS 21 LOCALES DE SA SARDIGNA

Bidu Su programma de Agenda 21 istabilidu in sa Cunferèntzia ONU a pìgiu de ambiente e Isvilupu in su 1992 in Rio De Janeiro e sutaiscridu dae Guvernos, sòtzios non guvernativos e bandas de su mundu industriale.

Bida sa “Carta de sas Tzitates Europeas pro un isvilupu sustenibile” istèrrida in Aalborg, Danimarca su 27 de maju de su 1994, pabiru de punnas de sas Autordades locales chi leant parte a sa “Campagna de sas tzitates e de sas Comunas Europeas impignatas pro un isvilupu sustenibile e chi duret” e su Pranu de atzione imbeniente de Lisbona “Dae sa Carta a s’atzione”(8 de santugaini 1996).

Bida sa Carta de Valencia, aprovada dae sos chi ant leadu parte a sa Cunferèntzia ambientale de sos Ministros e de sos Leader Políticos Regionales de s’Unione europea, cròmpida in Valencia, Ispagna, su 21 de Santandria de su 1995.

Bidu su detèrminu de Göteborg, aprovadu dae Sa de tres Cunferèntzias a pìgiu de s’Ambiente de sos Ministros e de sos Leader Políticos Regionales de s’Unione europea, chi s’est imbènnida in Göteborg, Isvètzia, dae su 18 a su 20 de Làmpadas de su 1997.

Bidu s’Apellu de Hannover sutaiscridu su 9 de freàrgiu de su 2000 dae sas autoridades locales europeas chi ant leadu parte a Sa de tres Cunferèntzias Europea de sas Tzitates e de sas Comunas sustenibiles.

Bida sa “Carta de Ferrara” sutaiscrida dae sas Autordades locales italianas.

Bida sa declaratzione de Johannesburg de su 2002 a pìgiu de s’isvilupu sustenibile chi ponet, a banda de su restu, s’impignu a afortire e a megiorare sos sistemas de governu in totus sos pranos, pro chi tengiat efetu reale sa crèschida de s’Agenda 21.

Bida sa Cunferèntzia de “Aalborg + 10” de su mese de làmpadas de su 2004, in ue sos guvernos locales europeos sustenidores de sa Campagna de sas Tzitates Europeas Sustenibiles an picadu sos Aalborg Commitents (impinnos de Aalborg) chi faghent una lista de sos impignos pro su tempus benidore de sos guvernos locales pro s’isvilupu sustenibile sestados in deghe chistiones printzipales: 1. Governance; 2. Gestione locale pro sa sustentabilidade; 3. Risorsas naturales a cumone; 4. Cunsumu responsàbile e maneras de bìvere; 5. Sestadura e tremesu urbanu; 6. Megius mobilitade, prus pagu tràficu; 7. Atzione locale pro sa salute; 8. Economia locale sustenibile; 9. Giustesa e giustitzia sotziale; 10 Dae locale a globale.

Bida sa de chimbe cunferèntzias Europea de sas Tzitates sustenibiles de su 2007 còmprida in Siviglia.

Cussiderados sos indiritzos in sa chistione de s’isvilupu sustenibile istèrridos a livellu comunitàriu e mescamente sa comunicatzione de sa commissione “pintura de atzione pro un isvilupu urbanu sustenibile in s’unione Europea” de su 28 de santugaini de su 1988 e sa proposta de isseberu de su Parlamentu e de su Consìgiu chi pertocat una “Pintura comunitaria pro trabagliare paris pro un isvilupu sustenibile de su logu urbanu” de su 22 de Santandria de su 1999, in uve s’aungiat a fàghere retzas intre autoridades locales pro

pretzisare, istèrrere e pònnerre a pare pràticas bonas, e finas pro chi sas autoridades locales e sa gente chi lis pertocat sien prus informadas de sa chistione.

Cussiderados sos programmas e sos pranos de sa Regione Autonoma de sa Sardigna pro promòvere sas mustras de isvilupu sustenibile e su ruolu suo de ghiare sos protzessos de Agenda 21 locale.

Leadu atu chi su 20.09.2000 est istadu costituidu in Bologna su sòtziu “Ghia Agendas 21 Locales italianas” comente crèschida de sa Ghia voluntària “Agendas 21 locales italianas” in bia dae su 29 de abriale de su 1999.

Leadu atu chi in die 18.12.2001 est istadu firmadu unu protocollu de intesa pro sa Ghia de sas Agendas locales de sa Sardigna intre sas 9 amministratziones chi at finantziadu su ministèriu de s’Ambiente e de sa sarvaria de su Sartu e su Formez. Sa ghia s’est mustrada unu mèdiu de importu mannu pro produire retza e pro agiuare e difùndere sos protzessos de Agenda 21 Locale. Sa ghia, paris cun sa regione at promòvidu meda iniciativas e in custas son:

1. atividade pro promòvere sos printzìpios, sas politicas de isvilupu sustenibile e sos protzessos de Agenda 21 locale pro mediu de una muta de atos de informazione;
2. atividades formativas chi punnant a connòschere sas chistiones chi pertocant sa comunicazione e a sos tremesos paris cun àtere;
3. atividade de comunicatzione e informatzione, intre custas chistiones a fàghere cartolaros de Agenda 21 locale in Sardigna;
4. fàghere nàschere grustos de travàgliu temàticos a pìgiu de sas chistiones chi sighin: indicadores ambientales; comunicatzione; contassa.

Leadu atu de sa voluntade de sa Regione autonoma de sa Sardigna de addilire pro costituire sa Retza de sas Agendas 21 locales de sa Sardigna e de nde sustènnere sas atividades.

Cumbènnidu giustu a addilire a si dare a pare pràticas bonas e a istèrrere sestos a cumone, semper dende cara a sas autonomias de atzione de cada realitate sìngula.

Postu innantis totu su de subra.

Si cumbenit e s’istipulat su chi sight

De fàghere nàschere sa “Retza de sas agendas 21 locales de sa Sardigna” pro pissichire sas miras chi sighin:

1. travagliare paris cun sas Amministrazione e cun sos entes chi leant parte in sa retza pro chi tengiat prus efetu e siat prus lestru su protzessu de pònnerre sos printzìpios de sustenibilitade ambientale pro more de s’Agenda 21 Locale, pro mèdiu de percursos pro chi ne sian parte finas sos isseberos de sos sestos locales;
2. addilire s’irmannida de sa cantidade de amministratziones e Entes chi ponent in sa chistione de su mègiuru de sa calidade de sa bida sos printzìpios de sustenibilitade de su logu;
3. promovere e afortire s’impreu chi su travagliare paris est cundizione netzessida pro totu sas atividades de tremesu locale.

Pro demprire sas miras sa retza si imponet de:

1. addilire e afortire su ghetòngiu a pare de informatziones a pìgiu de sas chistiones chi pertocan s'agenda 21 locale intre sos Entes
2. cumbudare e abalorare sas pràticas bonas e sas isperièntzias de Agenda 21 locale in su sartu regionale;
3. rènnere prus fàtzile e promòvere mamentos pro costituire partenariatos a pìgiu de progetos de Agenda 21 locale e, si bi n'at, candidaduras de sas Amministratziones chi ne leant parte, a progetos comunitàrios e a initziativas regionales, natzionales e internatzionales;
4. addilire mamentos formativos pro amministratoros e responsàbiles in sos Entes Locales e aungiare pro chi si forment figuras professionali noas pro s'isvilupu sostenibile;
5. pònnere a fàghere initziativas promotzionales e culturales pro difùndere sos printzìpios de sa sustentibilidade
6. contribuire a istabilire orientamentos e artimingios pro ammaniare pranos de setore e programmas regionales
7. pònnere a fàghere e promòvere grustos tematicos de travàgliu pro arresonare cun s'amministratzione regionale e promòvere mustras de isvilupu sostenibile de torrare a fàghere in àteros eretos.
8. demprire cada àtera atividade chi potat bisongiare a promòvere e a ghiare protzessos de agenda 21 Locale comente mèdiu pro cròmper a un isvilupu sostenibile.

De dare atu chi pro pissighire sas miras montovadas subra tocat de àere una secreteria chi tremeset e chi sigat sas atidades de sa Retza, chi sian in prus prevididas in unu regulamentu apòsidu, sas maneras de comente sas autoridades locales solas intrent e leent parte a sas atidades de sa retza;

De dare atu chi sa secreeria pro tremesare, tenet a su cumintzu sede e riferimentu in s'Assessoradu de sa defensa de s'Ambiente- servìtziu de sa sustentibilidade ambientale e istima de sas apataduras ambientales e a pustis at a èssere data a sos Entes chi an sutaiscritu sa retza cun maneras durata de cuncordare a pare e a borta a borta.

De dare atu chi tocat de b'èere trastes operativos internos chi rennant prus fàtzile sa crèschida e sa ghia de atidades a cumone. Che de nàrrere grustos de travàgliu a pìgiu de àgheras temàticas particulàres o de àgheras territoriales parinales.

De dare atu chi sa "Retza de sas agendas 21 locales de sa Sardigna" punnat de fàghere a pare chinsu Sòtziu Natzionale "Ghia Agendas 21 locales italianas" ONLUS e mantenet contu de sos indirizos istèrridos intro de su matessi finas cun una identidade sua de cuntènnidos e de operatividade danne cara a sa diferèntzia e de sa giustesa interlocale.

S'intrada in sa retza cumbinat cun sa sutaiscritzione de su protocollu presente dae ala de:

- sos entes chi an cumintzatu unu percursu de Agenda 21 Locale e chi s'impignan a:

1. sighire in su percursu de Agenda 21 locale.

